

第二冊 第二課 烏鼠食菝仔

〈果子面〉

口白：禮拜，阿母去菜市仔買果子轉來。

阿母：哎唷，有夠重的啦！

豆仔：阿母，你去佗位啊？

阿母：去買果子啊，恁阿爸講欲食果子啦！

丸仔：有王梨呢。

豆仔：你遮爾愛食王梨喔！

丸仔：王梨芳閣甜，我當然愛食囉！

豆仔：你啥物攏愛食，莫怪愈來愈大籬。

丸仔：阿母，你看阿兄啦！阿兄的頭有夠成王梨啦！

阿母：是誠實的呢，豆仔有一粒王梨頭喔！

豆仔：我看你親像蘋果啦！一个面膨膨紅紅。

阿母：豆仔真**勢**想呢，確實有成。

口白：過無佹久，阿爸嘛轉來矣。

阿母、豆仔、丸仔：西瓜！

阿爸：啥物西瓜啊？

阿母：你有夠成西瓜。

阿爸：哪有啊？

丸仔：身材足成的啊。阿爸你看阿兄敢有成王梨？

豆仔：阿爸，丸仔成蘋果，著無？

丸仔：你成王梨！

豆仔：你成蘋果！

阿爸：規欉好好，無錯！

阿母：王梨豆仔、蘋果丸仔，有夠古錐啦！我哪會遮**勢**生！

（阿爸雄雄拍一个咳嗽）

阿母：你感冒矣喔？

阿爸：毋知呢，頭有小可楞楞。我有買柳丁轉來啦。

阿母：這毋是柳丁啦，這是柑仔啦。

阿爸：柑仔？我掠準是柳丁咧！

丸仔：阿爸，你目矙霧霧，匏仔看做蓮霧。

豆仔：阿爸是目矙看無明，柑仔看做柳丁。

阿母：你的目矙有問題喔？

阿爸：敢有？

丸仔：阿爸，你看彼是啥？

阿爸：菝仔啊！

豆仔：阿爸！

丸仔：是柚仔啦。

阿爸：哎唷，恁哪毋較早講的，有夠苦的呢。

阿母：我看明仔載我陪你看目矙。

【講看覓】

第一、影片內底講著的果子，你上佢意佗一種？講看覓，伊生做啥款？鼻起來抑是食起來的氣味又閣是啥款咧？

第二、丸仔是按怎講阿爸「目矙霧霧，匏仔看做蓮霧」？